

آبونه شرائطی

داخلی ، خارجی هریر ایچون
سنه لای (۲۵۰) ، آتی آیانی
(۱۳۰) فروشدر .

[نسخه سی ۵ فروش ،
سنه لای ۵۲ نسخه در .]

اداره خانه

باب عالی جاده سنده دائرة مخصوصه

اخطارات

آبونه بدلی پشیندر

مسلسله ، وفاق آثار مع المنونیه
قبول اولنور . درج ابدلین
یازیلر اعاده اولونماز .

الکشاف

سیر ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

دینی ، فلسفی ، علمی ، ادبی هفته لاق مجموعه اسلامیه در

والله یهدی من یشاء الی صراط مستقیم

باش محمد
محمد عاکف

صاحب و مدیر مسئول
اشرف ادیب

اتیموز اهدکم بیل الرشاد

عدد : ۳۶۲

۹ شوال

نجشنبه

۱۸ تموز ۳۳۴

جلد ۱۴

اخطارات
آدرس تبدیلینده آریجه بش
فروش کوندرلیدر .

مکتوبلرک امضالری واضح
واوقوناقلی اولری و آبونه صره
نومروسی محتوی بولمسی لازمدر .

ممالک اجنیه ایچون آبونه
اولانلرک آدرس لرینک قرانسر .
جده یارلمسی رجا اولنور .

یاره کوندرلیدی زمان نه به
داثر اولدیغنک واضعاً یلدرلمسی
رجا اولنور .

شئون

قافقاسیا احوالی

قافقاسیا حکومت متحدہ ہوتی :

آل دیغمز معلومات موثوقہ یہ نظر آ قافقاسیہ نیک ہر درلو آمال واحترافات خارجہ دن مصون وقوتی، ترقی وتعالیٰ سندہ سربست وآزادہ بولونمائی ایچون شمالی وجنوبی قافقاسیادہ یکی دوغان حکومتلر برقونفہدہ راسیون حالندہ اتحاد وتشکلی لزومنه اوتہدنبری قانع بولونان شمالی قافقاس مرخصلری ایجاب ایدن تشبثاندہ بولونمشلردر .

(ملی)

چین احوال داخلہ سی

حریت راستہ را آرمہ سندہ کی مجاہدوت — ارطالہ مہرمت بیانندہ کی صرمس جاہ ورقابت — مجاہدات را اہلبہ — بز را اتمو فہمیدر — مہین مسلمانندی .

حریت اقوام اوغورینہ حرب ایتمکدہ اولدقلرینی ادعا ایدن استلاف حکومتلری وقیلہ چارک مستبد ، خونخوار وجبار حکومتی ایلہ ممالک عثمانیہ نیک ، ایران وافغانستانک تقسیمنہ دائر عقد اتفاق ایتدکری کی، شیمدی دہ روسیہ دہ کی ارباب ارتجاع ایلہ حریتی بوغنی ومشروطیتی محو ایتمک اوزرہ توحید مساعی ایتمکدہ اولدقلری معلومدر . دیگر طرفدن دہ مقاصد خسیسہ لرینی تأمین ایچون حریت نامنہ دیار جینی قان دریالرینہ بویامقدن چکنمیورلر . اختلافات داخلہ ورقابت شخصہ یوزندن بر مملکتک دوچار اولدینی مصائبی ، دشمنلریمزک جهانشمول اولان ظلملرینی ودنیانک بر اوچندہ کی دین قردہ شلریمزک بومظالمہ قارشی مجاہداتی انظار دقتہ عرض ایتمک وبوصورتلہ اخوان دینی حادثات جهاندن خبردار ایلہ مملکت مقصدیلہ چین احوالی حقندہ بروجہ آتی اعطای معلومات ایدیورز :

رئیس جمهور اسبق (یوان شی قای) ک وفاتی اوزرینہ درحال (لی یوان ہونگ) آ کاخلف اولمش وبونک اوزرینہ (توان شی زوی) باش وکالتہ کجیدی کی (قنغ قوجانغ) دہ رئیس جمهور وکالتہ انتخاب اولونمش ایدی . باش وکیل حوالی شمالیہ نیک قوای عسکریہ سنہ و (پکین) ک محافظ عسکرلرینہ استناد ایدہ رک مشروطیتی محو ویاخود تحدید ایتہ بہ تشبث ایتدیکی جہتلہ مجلس مبعوثان ایلہ رئیس جمهورک آرمہ سی آجیلمش ایدی .

مبعوثان حسیاتہ مغلوب اولہ رق حاضر لائندہ دن باش وکیل آزمکہ قالیقتدی . رئیس جہوزدہ معقول بر سیاست اتحاد

ایدہ مدی . مبعوثانلہ برلشدی واونلرک رأی ایلہ باش وکیل عزل ایتدی . (توان) بونی ہضم ایدہ مدی . بونلرک حقندن کلک ایچون (پکین) جوارینہ شمال توجونلرندن (عسکری والیر) برقسم مهمفی جمع ایتدی . باش وکیل بونلر واسطہ سیلہ مشروطیتی الفا ، مجلس مبعوثانک حقوقی تحدید و بلکدہ بوتون بوتون استبدادی احیا ایتمک ایستہ یوردی .

عسکری برنمایشلہ رئیس جہوزی دہ تخویف وتضیق ایلدی . بچارہ (لی یوان ہونگ) یک زیادہ قورقاراق مجلس مبعوثانی فسخ ایلدی وبوتہلککی برطرف ایتمک ایچون (جانغ نوسوی) پی باش وکالتہ تعین ایلدی . بوذات مسئلہ پی حل ایدہ جک یردہ داہا زیادہ تشویش ایتدی . مملکتدہ یاشامقدہ وقدرستی خلق نظرندہ مقبول اولان وحاکیتدن اوزاق اولمقلہ برابر نشان ورتہہ ویرمکہ صلاحیتدار بولنان اسکی امپراطوری یکیدن تختہ کتیردی . وبوصورتلہ ملوکیت و سلطنتی احیا ایلدی . فقط ہرطرفدن دوچار هجوم اولونجہ ملوکیتلہ برابر اورتہ دن تمامیلہ یوق اولدی . (توان) کمال مظفریتلہ (پکین) . عودت ایتدی ورئیس جہوزک ضعفندن بالاستفادہ باش وکالتہ یکیدن کچہ رک اجرای حاکمیت ایتمکہ باشلادی . حسیاتہ مغلوب وقوتہ مغرور اولماسہ ایدی انتخابانی تجدید ایلہ مجلس مبعوثانی جمع ایلر ومانشو حاکمیتنی بقا ایتمک قرارینی آلابیلریدی . فقط بونی یامادینی کی کندی توجونری پارتیسنہ ویردیردیکی قرارلہ کورہ حرکت ایدہ رک حریت ومشروطیت طرفداری اولان جنوب ولایتلرینی آزمکہ حصر مساعی ایتدی .

بوفجیمہ جریان ایدرکن مملکتک اک کزیدہ آدملرندن رئیس جہوزک وکیل اولان (قنغ قوجانغ) نانکیندہ منبت ، زنکین ویضدار اولان قیانغسونک حاکم عسکریتی بولونیور وبوتون بو حادثاتی کمال دقتلہ تعقیب ایدیوردی .

طیبی توان موفق اولورسہ مملکتک اک بویوک آدمی اولہ جغنی وجہوزک ریاستہ ایلک فرصتہ انتخاب اولہ جغنی قنغ آ کلایوردی . بوکا میدان ویرمہ مملکت ایچون کندیتی ارباب ارتجاعدن اولدینی حالہ حریت ومشروطیت طرفدارلری ایلہ توحید مساعی بہ لزوم کوردی .

بوصرمہ ایدی کہ (لی یوان ہونگ) ریاست جہوزیتدن استعفا ایتدی . رئیس وکیل اولان (قنغ قوجانغ) رئیس اولارق پکینہ عزیمت ایتدی . بو حادثہ اوزرینہ رئیس جہوز ایلہ باش وکیلک متفقاً حرکت ایدوب ایتہ جککرینی ہرکس درت کوزلہ بکلیوردی . طیبی بونلر مملکتک نفع و خیرینہ اتحاد ایتش اولسہ لردی ہر درلو فنالغ اکوکی آلمش اولورلر و آرزو ایتدکاری شکل حکومتی تأسیس ایدہ بیلرلردی . باخصوص بوتون حوالی شمالیہ نیک عسکری حاکمیری و اردولری اونرہ ظہیر ایدیلر .

فقط بری برندن شبهه لهرک، حرص و طمعیدن آریله میهرق اسکی رقابتده دوام ایستدیلر. زیرا (توان) حوالی جنوبیه ده کی حریت پرورلری ازمکه موفق اوله جق اولورسه (قنغ) سقوطه محکوم قاله جقدی. بالعکس مشروطیت قوت و مکنت بوله جق اولورسه (توان) خسرانه دوچار اوله جقدی. (قنغ) که اهمیت استنادگاهی مشروطیت اعلانندن بری حریتک حامیسی اولان جنوب و غرب ولایتنده کی مسلمانلردی.

رجال حکومت آراسنده کی بو اختلافندن آنجق مملکتک دشمناری، طمعکارا جنیبلر مستفید اوله بیلیردی. نته کیم بو اختلافی کورده انستلاف حکومتلری همان فرصتدن استفاده به شتاب ایستدیلر. حریت نانه، مظلوملارک خلاصی ایچون حرب ایتمکده اولدقلرینی هر وقت هریرده اعلان ایتمکدن کری دورمیان بودولتر استبداد طرفداری و مجلس مبعوثانک جلادی اولان (توان) ایله توحید مساعی ایستدیلر. قایینه سنک نظاری غیر موجود، فقط عسکری ظهیرلری یک مبذول اولان بو آدم اولنلرک ایشلرینه جوق یاردیم ایستدیلر. مجلس مبعوثانک اکثریتی، آلمانیا به قارشی اعلان حرب ایتمکی رد ایتمدیکی حالده مجلس مذکور عسکر قوتیه فسخ ایدن (توان) ایکنجی دفعه باش وکیل اولونجه آلمانیا ایله قطع علاقه ایتمکده اکتفا ایتمه دی. بوفر اختلافی تضمینات حریبه سی تقسیطلرینک تأجیلی، کمرک ویرکوسنک تزییدی و برقاج کفالتسز استعراض کی استلافچیلردن کوردیکی معاونات مالیه دولایسیله آلمانیا حکومتیه قارشی اعلان حرب و چپنده کی آلمانلرک حبس و تبعیدلرینه موافقت ایتمدی.

بول بول باره بولان توان آرزو ایتمدیکی هر ذرلو تشبهات استبدادیه ده بولونمغه مقتدر اولمش ایدی. بو ذرالتلرله اکتفا ایتمه ین بو منفعت پرست آدمک ایلک اجرا آتی (هومان) حاکم عسکرسی مشروطیت پرور اولق حسیله عزل ایتمک اولدی. یرینه مستبد بروالی تعیین ایدرک معیته بر قوه عسکریه ده سوق ایلدی.


فقط مشروطیتیه قارشی اورولان ضربه دن اعتباراً کندی استقلاللارینی اعلان ایدن ولایات جنوبیه بو حرکتیه قارشی کلکه باشلادیلر. قوائفتونق، قوائفسی و هومان دن عسکر جمع ایدرک یونان و تره جوانه تعرض ایلدیلر. بونک اوزرینه مشروطیتیه استبداد آراسنده مجادله لر، جنوب ایله شمال اردولری بیننده قانلی محاربه لر باشلادی؛ شمال اردولری ایی مجهز اولدقلرندن بدایتده نوعاً موفق اولدیلر. فقط تخریبات، نهیب و غارت، هتک عرض، احراق بلاد و سائر افعال شیعیه یی ارتکاب ایتمک خصوصنده یک زیاده افراطه صایدیلر. حتی «شمالی چین حوادث یومیه سی» نامنده کی انکلیزجه نشر اولنان غزته مخبری هوناندن

بولنلرک اجرا ایستدکلری وحشت حقنده یک فجاعت انکیز خبرلر کوندرمکه مجبور قالدی.

مخبر مومی الیه دییورکه: «اومشهور، معمور اولان لیلینو شهری انقراض بیغینندن عبارت برحاله کمشدر. یانغین، یاخود تخریبیدن مصون تک برخانه قالمامشدر. اوراده بولنان میسیونرلر آنجق کوچ جا، ایله یالکیز باشلرینه چپقه بیللمشدر. (پاوکیغ) شهری ده گاه شمال، گاه جنوب عسکرلرینک آلرینه انتقال ایتمشدر. درت دفعه مختلف آلره کچن بومعمور و بویوک شهر شمال اردولری طرفندن ۱۲ مایس ۹۱۸ تاریخنده یغما و تخریب ایدلمشدر. آسیا پترول شرکته، باتار فیلداند سویار، استاند ارداویل سینسکر شرکترلرینه عائد اولان مبانی و مؤسسات تماماً محو و نابود اولمشدر. خلق بوتون اجنیبلره قارشی نفرت بسله دکلری حالده شایان دقت برشی وارکه اوده: انکلیز میسیونرلری کوچ حال کندیلرینی حمایه ایدرک بر مفرزه تدارک ایدر بیلدکلری حالده ارکان حرب ضابطانندن (له تغ و اوچنغ) نامنده کی ذات اوراده بولنان آلمان میسیونرلرینی علناً حمایه و صحابت ایتمش اولمیدر. ایشته بوکی وحشیانه معاملاتی جنوب اردولرینک موجودینی تزیید، انتقام حسلرینی تشدید ایتمدی. بونلر وقتیه روسیه تک نابولیونه قارشی تعقیب ایتمدیکی پلانی تطبیق ایله مکله شمال اردولرینی برر بر مغلوب و پریشان ایستدیلر.

(هومان) سوق اولنان اردونک افرادی آز اولدینی ایچون بوتون خلق جسارت آلاق جنوب اردولرینه التحاق ایتمدی و ولایتک مرکزی اولان (چانغچا) اشغال اولونجه شمال اردولری پریشان برحاله فرار ایستدیلر. بوانهزام اوزرینه عسکرلر بهر تفنکی بر لیرا مقابلنده صاندیلر. قوائفتونق ده ده خی شمال اردولری اسواناده و برچوق قصبه لرده مغلوب اولدقلدن باشقه اک متین استنادگاهی اولان فوقینده ده پریشان اولدیلر. هومان و هوپیه ولایتلرینک حدودنده کائن اولان یوچونده ایسه شهاب اردولری داها بویوک مغلوبیه دوچار اولدیلر. شمالده بولنان توان اردولری تره جوانده مغلوب اولونجه برقاج ولایت بردن جنوب اردولرینه التحاق ایتمدی. شمال اردولری داها فضله ایلری به کیتدکلری وقت قویچو ولایتندن جمع اولنان عسکرلر طرفندن خط رجعتلری کسپلمش و بوسبیله بوالیم مغلوبیه اوغرامشدردی. قوائتونک ضبطنه توجه ایدن اردو مغلوب اولدی. اونک امدادینه کلن قوتلرده یاری یولده قانتوندن حرکت ایدن جنوب عسکرلری طرفندن اسیر ایلدی.

بوتون بوفلا کتله بربری تعقیب ایتمدیکی صرعه ایدی، که روسیه اختلالندن اعتباراً، باخصوص بولشویکلرک حکومتی تشکل ایتمکدن صکره نفس آماغه باشلایان و کندی استقلالنی تأمین ایتمک چالیشان



مصر احوالی

حبراً اعانہ جی :

حربك بدايتندن اعتباراً مصر اھالیسی عثمانی مجرورینك تداویسی واسرای عثمانیہك ترفیہ حالاری ایچون ھلال احمر نامہ برچوق معاونانده بولمیش وبوصورتله خیلی مقدارده برپاره جمع ایلشلردی. بوحسیات صداقتکارانه ودیندارانه به تحمل ایدہمین انکلیزلر مصر ھلال احمر جمعیتی تضییق ایدہرك طویلانان پارهك نصفی صلیب احمر ایچون زورله آلدیلر. بونکلهده اکتفا ایتیموب بویوک مأمورلردن مرکب بر قومیسون تشکیل ایلہ صلیب احمر نامہ اعانات جمعیتنه تشبث ایلہ دیلر. اھالیدن هیچ کیمسہنك بش پاره ویرمکے راضی اولمادیغنی کورونجه حدت ایدہرك رسمی وجہری بر صورتده زراعتدن دونم باشنه الی پاره جمع ایلہ دیلر. بوده کافی کلمہ دیکی ایچون اسکندریہ ده کی مبنی ویرکوسنه یوزده بش ضم ایتدیلر. بویکونه قدر تحصیل ایدوب طورہ قدہ درلر. طبیعی بویله زورله جمع اولونان پاره اعانہ صلیب احمر بالعمکس منفور ومذموم برنوع یاغما کرلقدن بشسقه برشی دکادر. فقط انکلیزک عدالتی آنجق بویله اولور.

میلونلرجه تکالیف حربیہ :

مصرک قاضی اتمک ایستہین انکلیزلر کرک غریبہ کی وضعیتلرینک خطر ناک اولدیغنی، کرک مصر اھالیسینک اونلردن متفرودین قرداشلری عثمانیلرہ پک متمایل اولدقلرینی کورونجه دھا فضلہ قیزیوروقاچہدن چالمسی ممکن اولان هرشیئی غصب ایتمکے چالیشان عادی بر حیدود کی مصری صومینہ مرحیلہ ایلہ توسل ایلہ یورلر. اولا مصر حکومتی تضییق ایدہرك بندہ لری اولان خائن وطن رئیس نظار حسین رشدی پاشا واسطہ سیلہ کچن اوچ سنہ ظرفندہ مصردن تکالیف حربیہ نامہ، شمندوفر اجورائی وسائرہ دیبہ آلدقلری اوچ میلون انکلیز لیراسی کی مهم بر مبنی مصر بودجه سنہ تحمیل ایتشلر وبوسنہنک مصرفی ایچون ده احتیاط اولہرق یاریم میلون لیرا تخصیص ایتدیرمشلردر. معارف ایچون اولسون، فقراتک مضایقه سنی تہوین ایچون اولسون بش پاره صرف ایتمکدن امساک ایدن حکومت ملتک آرزوسی خلافتہ پاره ویریور. بو، آنجق رجال حکومتک بدطینتلی اولملرندن وانکلیزلرک شدید تضییقلرینہ قارشى سرفرو ایتملرندن نشأت ایدیور. طبیعی بوده حریت اقوام نامہ ملک صغیرہنک استقلالنی حمایہ ایتک ادعاستند بولونان انکلیزہنک عدالتہ کوزل بر نمونہ در !

ھندستان احوالی

حریت اقوام وده موقراسی ایچون حرب ایتدکارینی ادعا ایدن ائتلاف حکومتلرینک اک بیوک مروج ومدافعی اولان میستر ویلسون پک متین بر تکذیبہ، پک شدید بر تعریفہ دوچار اولمشدر.

ترکستان چینی اھالیسینک عثمانی مأمورین سیاسیہنک تشویقہ [۱] قیاملری خبری کانجه توان شاشالادی. بوتون ائتلاف دولتارینک، باخصوص ژاپون حکومتک رئیس بارون موتونونک معاونتلرینہ رغماً استعفاہ مجبور قالدی. بونک اوزرینہ شمال اردولرینک ارکان حربیہ رئیس سابق (وانغ ضیہ چہن) ک ریاستی آلتندہ کی برقابینہ تشکل ایتدی. شمعی بوقابینہ توانک تأثیر خفیسى آلتندہ بولوندیغنی حالده شمال ایلہ جنوب ولایتلری آراسندہ تأمین مصالحہ چالشیور. فقط شمعی یہ قدر موفق اولہ مادی. زیرا آرادہ کی اختلاف درین واساسلی در.

شمال اھالیسی استبداد وصیتی بر مرکزیت طرفداریدر. جنوب اھالیسی مشروطیت وعدم مرکزیت طرفداریدر. جنوب غالب اولدیغنی ایچون اونک ارادہ سی غالب اولق لازم کایر. فقط ائتلافچیلر بوندن چوق اورکیورلر. زیر امر کزی آسیا ملککلری ایلہ هم حدود وبحر محیط ہندی یہ واصل اولان ملک جنوبیہ، اسلام و آلمان نفوذینک توسعہ پک مساعددر. بونک منی ایچون شمالہ بولنان ایکی پارتی بی توحید ایتک ایستہ یورلر.

زیرا شمعی یہ قدر چہیلی پارتیسی، یعنی فنگ قوچانک ریاستی آلتندہ بولنان جماعت محاربات داخلہ علیندہ بولومیش وھیچ بر محاربه یہ ده اشتراک ایتہ مش ایدی. بونلر توان پارتیسی ایلہ اتحاد ایتدکلری تقدیرده ائتلاف حکومتلری طرفندن کورہ چکلری مظاهرت ومعاونت سایہ سندہ جنوب اردولرینہ قارشى غالبہ ایتلری ملحوظدر. جنوب اھالیسی ایسہ مداخلات اجنبیہ علیندہ وزہ دھا فضلہ متمایلدرلر.

الیوم چین وضیت داخلہ سی بو حالہ در. حادثاتک تعقیب ایدہ چکی مجری بزجہ مجھولدر. فقط شمعی یہ قدر بزہ مساعد اولدیغنی کی بوندن صکرہ ده بویله جریان ایدہ چکنی امیدایدر. زجہ جنساب حقہ بیکارلہ شکرکے ائتلافچیلرک چینہ چویردکلری فیریلداقلر اونلرک علیہلرینہ دونمش، بورادہ دخی ھانکیمزک حریت وعدالت طرفدارى اولدیغنی پک ظاہر اولمشدر. اسلامیتک اھمیت سیاسیہ کی تکتدکے دشمنلریمزى تہلکہ کی القا ایدیور؛ متفکرودوستلریمزى ده سویندیریور. چارلغک مدھش استبدادینی عالم اسلامک برقسم مهمنی قورتارمق ایچون بیقان جنساب حق چینہ کی دین قاردشلمزک استخلاصی ایچون توانک مستبد حکومتی ده بیقمش اولدیغنی بیک حمد وثنا ایدہ رز.

[۱] اورادہ بولنان قهرمانلریمزک هیچ بریسی مأمور سیاسی دکادر. آنجق بعض فداکار، محترم دیندارمزلردر. بونلر حیت دینیہ حبی ایلہ متحسس اولہرق بوجایل خدمتہ، بو بویوک مجاہدہ ده بولنیورلر. اللہ اونلردن راضی اولسون.

مدراس محکمه عالیہ سنک رئیس اولوب اقتدار حقوقیسیله تمایز ایدن وانکلیرلر سبق ایدن خدماتندن طولای ۱۹۰۰ سنه سنده اصالت عنوانی انحرار ایلش اولان هندی سیرس : سا برامانیا ایار هندستانک شکل حکومتی حقنده ویاسونه بر مکتوب کوندرمشر. تقاعده بولنان قاضینک رئیس جمهوره یازدینی مکتوبک صورت مترجمی شودر :

« اقدم ، کرک سز ، کرک بر چوق حکومتلرک رؤسای هندستانده حکمفرما اولان سوء اداره وظلم واعتساف اصولندن تماماً یخبر قالدیکز . بوراده یاشایان یوز میلیونلرجه انسانلر کندیارینه نه دیناً ، نه عرفاً ، نه ده لساناً مناسبتری اولمیان اجنبی بر زمره ظالمه نک اراده سنه تابعدرلر . بو اجنبیلر ، کنسیدی افرادینه فاحش معاشلر ، بیوک مکافاتلر ویره رک اولنری رفاه و سعادتلره مستغرق ایتک ایچون ملتدن تحمل اولونه مایه حق ویرکولر آلمقده ، ملی ثروتی بلع ایتکده درلر . بزی نعمت معارفدن محروم ایدیورلر . وضع ایتدکاری فاحش ویرکولرک طرحده هیچ برحق و صلاحیتیز یوقدر . بوزمره ظالمه هندیلردن بیکارجه کیمسلری حسیات وطنپرورانه سی اظهار ایتدکارندن طولای زندانلره آتیورلر . حبس خانهلرک پیسلکی او مرتبه ده درکه اورایه آتیلمش اولنلردن اکثریسی وفات ایدیور . صماغ قالانلرده دائمی معلولیتلره دوچار اولیور . حیواناتک حمایه سنه بذل همت ایدن بویاکار مخلوقلر نهدن انسانلره مرحمت ایتیورلر ؟ ایشته بو ، احواللزک بر خلاصه سیدر .

رئیس جمهور بو مکتوبی آلدینی وقت انکلیر حکومتنه بر صورتی تسلیم ایتش وغزته لرک آغزینه دوشمش اولمسنندن طولای انکلیرده بر حدت وتهور طوفانی قوبارمشدی . ده بلی تلفراف غزته سی آنجق مکتوبی یازانی تحقیر ایتکله هندستان حکومتی مدافعه ایدیور . دیگر غزته لرده اونک مسلکی تعقیب ایدیورلر . هپسی بو ذات محترمی بوناق عد ایتدکاری وهند وطنپروراننک رئیس سی اولان مادام بیزانتک تأثیری آلتنده اولدینی سویله یه رک اونک تجزیه سی ایستیور وبتون هندیلری نانکورلرکله اتمام ایدیورلر .

قارده مبعوثانندن میستر ژون هیکس ایله میرلواپاچ فروخت هندستان ناظری اولان میستر مونتاغودن بو مکتوب حقنده ایضاجات ایسته سی اوزرینه مومی الیه دیمشدرکه : « مکتوبی یازانک موقع اجتماعی یک مهم اولمسنندن طولای جرمی قابل عفو دکدر . مکتوبی او قودیم زمان حیرته قالدیم . فقط حاوی اولدینی اتهامات یک شنیع وفجیع اولدینی کبی مادی بر دایله ده مستند اولدینی جهته هیچ بر رجل حکومتک عنایت واهتمامنه مستحق دکدر . کاتب حقنده ده اهیچ برشی یا بلامشدر . فقط شیمیدیلک بو مسأله حقنده هندستان حاکم عمومیسیله مخبره ایتکده یم . »

بوندن اکلا نیلیورکه اول ویلسون کندینه تودیع اولسان بر سری افشایتمش ، ثانیاً بو وطنپرور اختیاری حقیقی سویلدیکندن وانکلیرنه نک ظلم واستبدادی اشاعه ایتدیکندن طولای محکوم ایتک ، یاخود نمکنسه محو ایتک ، ایستیورلر . زهی عدالت ! زهی جریته ورلرک !

ایکی آی اول هندستان حکومتی یک مناسبز وحقسنز بر قانون اصدار ایتشدرکه بعدما هیچ بر شرکت اقتصادی ، هیچ بر باقیه جمع وتأسيس اولمیه جقدر . بونک سبی یابدینی استقراض داخلی ایچون کافی مشتری بولمیدینی حالده بویله اقتصادی مؤسسه لرک هر کون رواج بولمسنندن عبارتدر . بوقانون علینده کرک انکلیرنه ، کرک هندستان محافل مالیه سنده شدتلی تنقیدات وقوع بولدیغندن هندستان مالیه ناظری سیرویلیام مایریشکاله تجارت او طه سنده بومسأله حقنده رسمی بیانانده بولنق مجبوریتنده قالمشدر . کنسیدی قولنه کوره : « حکومت بتون اقتصادی تشبثاتی منع ایتک ایستیورمش ، مقصدی استقراضلرینی ترویج ایتکدن عبارتمش . مقصدی حاصل اولورسه بویله مؤسسه لرک وجودینه خصوصی مساعدلر ویره جکمش . »

کچن نسخه میستر تیلرکدن بحث ایدرکن ترتیب خطایی اوله رق نیلان یازلمشدر . بو ذات برامانیلرک اک ایلری طن وطنپروریدر . دائماً دین و سیاسی مزج ایتدیکندن خلق اوزرنده یک مدش بر نرزه مالک در . بر چوق آدملر نظرند فوق العاده مقدس عد اولیور . حتی اونک طرفدارلری میانده تناسخ ارواحه ذاهب اولنلر بونک جناب حقک مظهر انسانیتی اولدیفته قانع اولنلر واردر . بونک معینده انکلیرنه عزیمت ایدمک هیئت ملیه میانده بتون هندستان مختاریت جمعیتی رئیس ثانیسی اولان سیر خایاردی کبی بر ذاتک یولنمی میستر تیلرکله نه درجه نفوذ صاحبی اولدیفنی کوستدر .

ارشاد المسلمین

بونام ایله باندیرمه لی احمد حلمی افندی طرفندن هفته لاق بر جریده اسلامی نشرینه باشلانیمش ، برنجی وایکنجی نسخه لری متعدد مقالات دینییه محتوی اولدینی حالده ساحه آرای انتشار اولمشدر . رفیق محترمی تبریک ایله دوام موفقیتانی تمی ایدرز .

تشکر

سیدالرشادک تکرار ایتشارندن طولای ممنونیتلرینی مکتوبلرله ، تلفرافلرله بیلدیرن ذواته ؛ سیدالرشادک ابونه بدانی تأدیه غیر مقتدر هوسکاران علم و عرفانه ارسالی ایچون متعدد ابونه بدلری کوندرن ازمیرده حاطط علی وآطه یازارنده حاجی محمد حلمی افندیلره ؛ باخصوص رساله مزقه ده صمیمی توجه و انتفاتلرده بولونان تصویر افکار رفیق محترمزه بالخاصه تشکرلر ایدرز .